

Nutarterneqarpoq: 04. juli 2023

## **Ilanngussaq 2: Suliat qanoq sunniuteqarluartumik ingerlasinnaanerinit assersuutit**

-sullissivik.gl-imut imarisanik suliaqarneq

### **Imarisanik allatanik aaqqissuinermit suliap ingerlasarneri**

Imarisanik allatanik suliaqarnermi suleriaatsit pingaarnerit marluupput:

- Suliap ingerlasarnera 1: Imarisamik nutaamik sullissivik.gl-imiilertussamik pilersitsineq
- Suliap ingerlasarnera 2: Imarisamik sullissivik.gl-imeereersumik nutarsaaneq
  - 2a) Ukiup ingerlanerani allanngortoqaraangat nutarsaaneq
  - 2b) Ukiumoortumik nutarsaaneq

Suliat qanoq ingerlasarnerini allassimavoq kikkut suna suliarissaneraat, suliasallu qanoq tulleriinneqassanersut. Suliat qanoq ingerlasarneri imarisanik suliaqarnermi suleriaatsinut tunngatillugu paasisimasaaqalersitsippot,. Suliat qanoq ingerlasarnerinut nassuiaatit aamma sullissivik.gl-imi imarisanik piginnittunut aamma Digitalinngortitsinermut Aqutsisoqarfimmi Digitalikkut Kiffartuussinermik Immikkoortortaqarfik (DIA SE)-mut sullissivik.gl-imut ikkussuisartunut allatanik sulianut tunngatillugu suliamut ingerlatseriaaseq ataasiusoq qulakkeerpaat.

### **Suliap ingerlasarnera 1:**

#### **Imarisamik nutaamik sullissivik.gl-imiilertussamik pilersitsineq**

Oqartussat imarisamik nutaarluinnarmik sullissivik.gl-imiittuuteqalerusuppata suleriaaseq imaassaaq:

##### **1. Oqartussat Digitalikkut Kiffartuussinermik Immikkoortortaqarfimmut attaveqassapput**

Oqartussat [sullissivik@sullissivik.gl](mailto:sullissivik@sullissivik.gl)-imut mailissapput paasisutissat makku ilanngullugit:

- Saqqummiunneqarfissaata ullussaa kissaatigineqartoq
- Imarisaa sumut tunngasuunersoq
- Oqartussat sorliit immikkoortortaqarfiillu sorliit imarisamik sorlermut piginnittuunersut
- Oqartussat immikkoortortaqarfiani pisortap attavigineqarnissanut paasisutissat (Aqqa, e-mailia, oqarasuaatikkut normua)
- Imarisanik allattup attavigineqarnissanut paasisutissat (Aqqa, e-mailia, oqarasuaatikkut normua)

##### **2. Digitalikkut Kiffartuussinermik Immikkoortortaqarfik ataatsimiinnermut aggersaassaaq**

- DIA SE-p pisortaata oqartussat immikkoortortaqarfiani pisortaq paaseqatiginiarlugu ataatsimeeqatigissavaa
- DIA SE-p attaveqatigiinnermi siunnersortaasa oqartussat imarisanik allattuinut sullissivik.gl-imi imarisamik suliaqarnermi atortussat pillugit ilinniartitsissapput

### **3. Oqartussat imarisanik allattui imarisat pilersinniarlugit sulineq aallartissavaat**

Imarisanik allattoq:

- Inatsisinit atuuttunit paasisutissat paasiuminartunngortillugit allassavai
- sullissivik.gl-imut imarisamik allannermi immersugassaq atuartussamut paasisutissiilluni immersussavaa
- sullissivik.gl-ip najoqqutassai malissavai, aamma allannermi maleruagassiat (Marlorsiut aamma oqaaseqatigiit ersarissumik susullit)

### **4. Oqartussat akunnerminni imarisap pitsaassusaa qularnaassavaat**

Oqartussat imarisamik DIA SE-mut nassiussitinnatik imarisami allatami paasisutissat kukkunersiorneqareersimanissaat akunnerminni qularnaaqaassavaat, inatsimmut atuuttumut pineqartumut nassuiaatit pingaarutillit amigaataaqqunagit. Assigisaanik oqartussat qulakkiissavaat sullissivik.gl-imut imarisamik allannernermi immersugassap atorneqarnera taavalu allannermi maleruagassiat malinneqarsimanerat.

### **5. Oqartussat imarisaq naammassinikoq [sullissivik@sullissivik.gl](mailto:sullissivik@sullissivik.gl)-imut nassiutissavaat**

Imarisanik allattoq DIA SE-mut mailissaaq immikkoortorta qarfimminni pisortartik CC-erlugu. Imarisaq sullissivik.gl-imut imarisamik allannernermi immersugassamut allataq kakkiullugu.

### **6. DIA SE imarisamik misissuissaaq imarisarlu oqartussanut utertillugu**

DIA SE-p imarisaq nassiunneqartoq tigusartik misissussavaat sullissivik.gl-ip najoqqutassai malinneqarsimanersut qularnaarniarlugu:

#### **A) DIA SE aqqitassanik siunnersuuteqarpat**

DIA SE-mi attaveqatigiinnermi siunnersuisartuisa imarisaq allataq misissussavaat imarisallu allannerani immersugassami immersorneqarsimasumi apeqquteqaateqarsinnaallutik imaattoqaraangat:

- Sukumiinerusumik nassuiaateqarnissaq pisariaqaraangat
- Oqariartaatsit sulianut tunngasut paasiuminaatsut oqaaseqatigiinnut paasiuminartunngortinneqarnissai pisariaqaraangat

Taamaattoqassappat oqartussat immikkoortoq 7 ingerlateqqaassavaat.

#### **B) DIA SE oqaaseqaateqanngippat**

DIA SE-p nalileruniuk imarisap sullissivik.gl-ip najoqqutassai malikkai, oqartussanut nalunaassapput imarisaq nutserneqarnissaminut piareertoq.

Taamaattoqassappat oqartussat immikkoortoq 7 qaangiinnarlugu immikkoortoq 8-mut Ingerlaqqissapput.

### **7. Oqartussat imarisaq sullissivik.gl-ip najoqqutassiaanun naleqqussaassapput**

DIA SE imarisamut oqaaseqaateqarpat, oqartussat oqaaseqaatit isummerfigissavaat imarisarlu sullissivik.gl-ip najoqqutassai malillugit naleqqussarlugu.

### **8. Oqartussat imarisaq nutsertinnissaa isumagissavaat**

Imarisaq oqaatsini ataatsini piareerpat, oqartussat nutsertissavaat. sullissivik.gl-imut imarisamik allannermi immersugassaataa oqaatsini marlunni pineqarsinnaavoq, taannalu oqartussat nutserisumut nassiutissavaat. Qulequtaqqat aalajangersimasut oqaatsinut taakkununga marlunnut nutserneqareerput, taakkulu nutserisup nutsissanngilai. sullissivik.gl-ip allannermi maleruagassiaasa qulakkeerpaat imarisami oqaatsit

oqaaseqatigiilloriaatsillu atuaruminartuussasut paasiuminarlutillu. DIA SE-p innersuussutigaa imarisaq toqqaannartumik nutserneqassanngitsaq, taamaasilluni imarisap kalaallisua qallunaatuatuulli atuaruminartigalunilu paasiuminartuuniassammat.

#### **9. Oqartussat imarisaq oqaatsini marlunni kukkunersiorneqarnissaa isumagissavaat**

Oqartussat imarisap nutsernera tigugunikku, imarisaq oqaatsini marlunni kukkunersiuussavaat uku qulakkeerniarlugit:

- Oqaatsini marlunni paasissutissat assigiittut
- Imarisamut filit attaveqartut tamarmik (immersugassat, atuagaaqqat il.il.) atuuttut, atuisumut atoruminartuusut eqqortuullutillu
- sullissivik.gl-ip najoqqutassai malinneqarput

#### **10. Oqartussat akuersissut [sullissivik@sullissivik.gl](mailto:sullissivik@sullissivik.gl)-imut nassiutissavaat**

Oqartussat DIA SE-mut mailissapput saqqummiunnissaanut akuersissummik allallutik.

Akuersissut allataq makkuninnga imaqaassaaq:

- Imarisat saqqummiunneqartussat allattorsimaffiat
- Allagartat kakkiunneqartut:
  - Imarisamut allannernermi immersugassaq qallunaatut imarisamik nutaamik immersorneqarsimasooq Word-dokumentimi ("Registrer ændringer"-qanngitsut)
  - Imarisamut allannernermi immersugassaq kalaallisut imarisamik nutaamik immersorneqarsimasooq Word-dokumentimi ("Registrer ændringer"-qanngitsut)
  - Filit imarisamut attuumassuteqartut tamaasa (immersugassat, naqitaq paasissutissiat il.il.) PDF-inngorlugit

#### **11. DIA SE-p imarisaq [www.sullissivik.gl](http://www.sullissivik.gl)-imi saqqummiuppa (oqaatsini marlunni tamani)**

DIA SE-p imarisaq [sullissivik.gl](http://www.sullissivik.gl)-imi saqqummiuppa, oqartussaasunullu mailerluni.

DIA SE-p oqartussanut mailerutaa makkuninnga imaqaassaaq:

- Imarisap massakut [sullissivik.gl](http://www.sullissivik.gl)-imi takuneqarsinnaalerneranik nalunaarut
- Imarisamut linki, imarisap sumiinnera oqartussanut ilisimatitsissutigalugu

## **Suliap ingerlasarnera 2:**

### **Imarisamik [sullissivik.gl](http://www.sullissivik.gl)-imeereersumik nutarsaaneq**

Oqartussat [sullissivik.gl](http://www.sullissivik.gl)-imi imarisaminnik nutarsaaleraangata ataatsimut isigalugu imarisat ukunanga nutarsarneqartarput:

- Inatsisit atuuttut tunngavigalugit paasissutissat eqqortut
- Ulluliussat pingaarutillit piffissaliussallu nutaat
- Allanguutit attuumassuteqartut allat

### **2a) Ukiup ingerlanerani allangortoqaraangat nutarsaaneq**

Oqartussat akisussaapput [sullissivik.gl](http://www.sullissivik.gl)-imi imarititamik nutarsarnissaannut ukiup ingerlanerani takkussinnaasumi attuumassutilimmik allanguinermi. Oqartussat imarisanik nutarsaassapput inatsisinik ingerlatseriaatsinillu allangortoqarnerinik malinnaanikkut, taakku atuutilernerisigut.

Oqartussat imarisaq nutarsarlugu aaqqiinaraangata suleriaaseq imaattarpoq:

#### **1. Oqartussat nutarsaanissartik aallartissavaat**

- Isummerfigissavaat imarisat sorliit nutarsagaassanersut

- Imarisanik sulineq imarisanik allattunut agguallugu
  - [sullissivik@sullissivik.gl](mailto:sullissivik@sullissivik.gl)-imut mailissaq paasissutissat uku ilanngullugit:
- Imarisat nutarsalikkatik sorliuneri allattorlugit
  - Imarisat nutarsakkat DIA SE-mut nassiunnissaannut ulluliussaq (immikkoortoq 6-imi) Pisariaqassapat:
  - Imarisanik piigassanik allattuiffik
  - Imarisap peerneqarnissaanut ulluliussaq

## 2. Oqartussat imarisamik allattua imarisamut allannermi immersugassami aaqqiissaaq

Imarisamik allattup imarisamik allannernermi immersugassami nutaami nutarsaneq suliarissavaa. Imarisamik allannermi immersugassaq nutaanngilinikoq sullissivik.gl-imiittunik kukkusunik paasissutissartaqartoq, paasissutissanik eqqortunik imarisamik allannernermi immersugassami nutaami immersorlugu nutarsarneqassaaq, nutaaq taanna atuartussap paasissutissanik pisariaqartitaanik naammassinnittussatut suliarineqarnikuusoq atorlugu.

Imarisamik allattup:

- Paasissutissat nutarsassavai (Inatsit atuuttoq aallaavigalugu paasissutissat paasinartumik allallugit)
- Paasissutissat nutarsakkat imarisamik allannernermi immersugassamut ikkutissavai
- [sullissivik.gl](mailto:sullissivik.gl)-ip najoqqutassai malissavai, aamma allannermi maleruagassiat (Marlorsiuut aamma oqaaseqatigiit ersarissumik susullit)

Imarisanik allattup allannguutini 'Registrer ændringer' atorlugu ikkussuutissavai.

Soorlu ataani takutinneqartoq:



Tamanna pingaartuuvoq DIA SE-p allannguutit sumiinnersut ingerlaannaq takusinnaaniassammagit.

## 3. Oqartussat aaqqinerit pitsaassusaat qulakkiissavaat

Oqartussat akunnerminni qularnaassavaat imarisami allatami paasissutissat kukkunersiorneqarsimasut naqqiutillu ilanngunneqarsimallutik, taamaalilluni paasissutissat eqqortut nassuiaatinik aalajangersimasunik inatsisinut atuuttunut naleqqiullugit amigaateqassanngimmata. Aamma qulakkiissavaat [sullissivik.gl](mailto:sullissivik.gl)-ip najoqqutassai malinneqartut.

## 4. Oqartussat aaqqineq nutserneqarnissaanut nassiutissavaat

Oqartussat imarisaq oqaatsit aappaanni naammassippat nutsertissavaat.

[sullissivik.gl](mailto:sullissivik.gl)-ip imarisamut allannernermi immersugassaataa oqaatsini marlunni pineqarsinnaavoq, taannalu oqartussat nutserisumut nassiutissavaat. Qulequtaqqat aalajangersimasut oqaatsinut taakkununga marlunnut nutserneqareerput, taakkulu nutserisup nutsissanngilai. [sullissivik.gl](mailto:sullissivik.gl)-ip allannermi maleruagassiaasa qulakkeerpaat imarisami oqaatsit oqaaseqatigiilloriaatsillu atuaruminartuussasut paasiuminarlutillu. DIA SE-p innersuussutigaa imarisaq toqqaannartumik nutserneqassanngitsoq, aamma imarisap kalaallisua qallunaatuutut atuaruminartigalunilu paasiuminartigissasoq.

## 5. Oqartussat aaqqiinerit oqaatsini taakkunani marlunni kukkuner siussavaat

Oqartussat imarisap nutarsarneqarsimasup nutsernera tigugunikku, imarisaq oqaatsini marlunni allaqqasoq kukkuner siussavaat qulakkeerniarlugu:

- Paasissutissat tamarmik oqaatsini tamani assigiittut
- Imarisamut fiilit attuumassuteqartut tamarmik (immersugassat, atuagaaqqat il.il.) nutarsarneqarsimasut, eqqortuusut atuisunullu atoruminartuusut

## 6. Oqartussat imarisamik allannermi immersugassat oqaatsit marluk atorlugit nutarsakkat [sullissivik@sullissivik.gl](mailto:sullissivik@sullissivik.gl) -imut nassiutissavaat

Oqartussat DIA SE-mut mailissapput nutarsaanissamut akuersissut allataq ilanngullugu. Nutarsaanermut allatakkut akuersineq ukuninnga imaqassaaq:

- Imarisat nutarsakkat [sullissivik.gl](mailto:sullissivik.gl)-imut ikkunneqartussat allattorsimaffiat
- [sullissivik.gl](mailto:sullissivik.gl)-imi inissisimaffiinut linkit (DIA SE-p ilisimaniassammagu sumut ikkutissanerlugit)
- Allagartat kakkiussat:
  - Oqartussat imarititaasa excel-arkimut allattorsimaffii
  - Imarisamik allannermi immersugassaq qallunaatut immersornikoq nutarsakkamik imalik Word-dokumentimi ("Registrer ændringer"-tallit)
  - Imarisamik allannernermi immersugassaq kalaallisut immersornikoq nutarsakkamik imalik Word-dokument ("Registrer ændringer"-tallit)
  - Imarisamut fiilit attuumassuteqartut tamaasa (immersugassat, atuagaaqqat il.il.) PDF-inngorlugit

## 7. DIA SE-p imarisami nutarsaanerit [sullissivik.gl](mailto:sullissivik.gl)-imut ikkutissavaat

DIA SE-p imarisaq [sullissivik.gl](mailto:sullissivik.gl)-imut ikkuteriarlugu oqartussanut mailissaaq.

DIA SE-p oqartussanut mailia ukuninnga imaqassaaq:

- Imarisap [sullissivik.gl](mailto:sullissivik.gl)-imi takuneqarsinnaalerneranik ilisimatitsissut
- Imarisamut linki, imarisap sumiinnera oqartussanut ilisimatitsissutugalugu

## 2b) Ukiumoortumik nutarsaaneq

Ukiumoortumik nutarsaanermi, DIA SE-p imarisat allatat piginnittuinut oqartussanut nassiuttarpaat.

Oqartussat ukiumoortumik nutarsaaniraangata, suleriaaseq imaattarpoq:

### 1. DIA SE-p oqartussat attavigissavaat

DIA SE-p oqartussat immikoortorta qarfiani pisortaq paasissutissanik ukuninnga mailerfigissavaa:

- Imarisat nutarsagassat allattorsimaffiat
- [sullissivik.gl](mailto:sullissivik.gl)-imi inissisimaffiinut linkit
- [sullissivik.gl](mailto:sullissivik.gl)-ip najoqqutassaanut allannernullu maleruagassianut linki

### 2. Oqartussat nutarsaanissartik aallarnissavaat